

آبونه شرائطی : هریر ایچول
سنه لکی (۴۰۰) آلتی آیلغی
(۲۲۵) ممالک اجنبیه ایچون
سنه لکی (۴۵۰) ، آلتی آیلغی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولماز .

الکشاف

آدره من تبدیلنده ایریجه
غروش کوندورملیدر .

مکتوبلرک امضالری واضح
واوقوناقلی اولسی و آبونه
مره نومروسنی محتوی
بولونسی لازمدور

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندورلدیکی زمان نهیه
داثر اولدیغی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

آناطولییه یو کسلی سسار :

استانبولده سبیل الرشاد جهرمه اسلامیه سنه

بر وقتلر اک بدیی مفاخر لیهی ، اک عصمتکار تجلیات دینهیی
سینه صموت واصلنده صاقلایان استانبولک بوکون اهلکار آلار
واراده لر قارشیشنده فقر و محزون ، تکامل و تسامحدن متولد اوله رق
دوشمکده اولدینی کرداب فجاعت بزلی هیجان و نفرت رعشالری
آره سنده صارصمقده بولنیور .

ظن ایتیه ییکز که آناطولی . بوتون عرفان و عصیت دینه سنک
بر ماوای طیبی و مخلصی اوله رق بیلدیکی عزیز دارالحلافه سنک بوکونکی
وضع سفیل و ذلیلندن مغیر و مشتکی دکدر .

ظن ایتیه ییکز که آناطولی . آلم بر سوزش روحی و فکری ایل
بواصل مامن دینک سوروکلندیکی غیای انقراض و انهدامی تماشای ایتمه که
مایوس و بدبخت دکدر . قطعاً وابدیاً .

اک صوک عمده حیات و بقا اوله رق طاییدیمز دین نامه ، فضیلت
نامه ، اخلاق نامه بوتون صلاحیتکار لسان و اجرا آتک صوصدینی
وقیرانه دینی رحله اله اسلامک مخلصات اساسیه سی ده و هن و تزلزله
اوغرار . آمان یاری یوز میلونجه اسلامک قبله حیات و حاجاتی اولان
زوالی استانبول بو صورتلامی بوتون جهان توحیدک عصمت و جلادت
دینه سنه رتمثال عزیز اولاجق ؟ بو صورتلامی ناشر دین مینک امر
ووصایاسی چیز حصوله ایصال ایدجک ؟ ههات !

سینور موسولنی بیله بر ملتک ، بر حکومتک بقا و استقلالی آنجق
دین ایله مرادف اولایله جکفی سویلر کن عجبا زیمی ، بزم بو وضعیت
خجیه مزیمی اسارت ایتک فضیلت سیاسی سنده بولوندی ؟ عجبا هر کون
ذینسر لکه دوغری آتدیغمز آدیملری می مراد ایدرک بزه بو طرز اخطاری
افهام ایتدی ؟ یوقسه الی یوم القیام نشر دینه مأمور ایدیلدن بر امت معظمه نک می
مابعد استقلالی توضیح ایتدی ؟ بیله میورم ویا لکز بیله حکم برشی
وارسه اوده بو آلم حالات مؤسفه دن آناطولی نک تیره دیکفی ، بو مخوف
بادره قارشیشنده ایچین ایچین صیرلادیغنی عرض ایتک . بو ، بر اسلام
قادینک فحش و شقه سی آلماسندن ، بر اسلام قادینک حریم قلبه
باصدیره جفی یا باجی برار ککله دانس ایتمه سندن ، بر اسلام قادینک تیارو
وبار صحنه لرینه چیقه ق بوتون مقدسات دینه و ملیه سی چیکنه مکدن
متولد بر خسران عظیمک تأثیر جانسوزی آلتنده قیراندیغنی تشریح
ایتکده در .

افدیله ، بو بر اتحاردر . عالم اسلامک رأس عزیز و فضیلتی بالاطالایان
اک مدهش بر ضربه انهدام واضع حلالدر .

جمهوریتی ادوار اولین اسلامیه بکزه دنلردن ، حضرت فاروق و صدیقک

تدوین و ترتیبی ضرورتی حاصل اولدی . اوزمان فکرلر ایکیه آیرلدی .
بتون بتون غربیللاشمق ایستیه نلر مصرده اولدینی کی قود ناپولیونک ترجمه سی
تکلیف ایتدیله . علما صنفی مخالفت ایتدیله . بزده احکام شرعیه نک معاملات
قسمی واردر ، بوقسمی ترجمه و تدوین ایدر ، قانون مدنی اتخاذا ایدرز ، دیدیله .
آره ده خیلی مناقشه و مجادله اولدی . نهایت علما صنفی غلبه ایتدی . فقہک
معاملات قسمی ترجمه و تدوین ایدلمک قرار ویرلدی .

صکرمه ایکنجی بر بحث آچیلدی . اوده مذاهب اربعه دن حنفی ، شافعی ، حنبلی ،
مالکی مذهب لرندن هرمانی برنده احتیاجات عصریه یه موافق احکام بولورسه ق
آنی آلوب درج و تدوین ایدلم ، دیدیله . متعصبین علما بورایه ده مخالفت
ایتدیله . بزم مذهبیز مذهب حنفی در ، مذهب حنفی خارچنده هیچ بر قول
و حکم قبول ایدمه یز ، دیدیله . نهایت سلطان عزیزه عرض ایدلدی . اوده
مذهب حنفی نک اک صحیح قوللری اقتباس و جمع اولنسون ، دیدی . « اصح
اقوال احناف » سوزی دستور ترتیب و تدوین اولدی .

جودت پاشانک تحت ریاستنده اجتماع ایدن مجله جمعی باب عالیده
صدارت دائره سنده انعقاد ایدر ، مساعیسنه دوام ایلر ایدی . جودت پاشا
مساعیسنه دوام ایدمه طورسون ، شورای دولت مسئله یه وضع ید ایتدی .
اوراده ده آوروپادان بر قود ناپولیون متخصصی کتیرتم ، مملکته بر قانون مدنی
یادیرتم ، دییه بعض فکرلر در میان ایدلدی . فقط مفید و منیر اولادی .
قرین آبادی عمر حلمی افندی مرحوم دیر ایدی که : مجله یی وجوده کتیرمک
ایچون جودت پاشا چوق امک صرف ایتدی و چوق تکبتره معروض اولدی .
جودت پاشانک کاه حلب و کاه یانیه وایلکریله طشریه مأموریتی هب مجله یی
وجوده کتیرمسنه مانع اولق ایچون اتخاذا ایدلمش تدبیرل ایدی .

مجله نک مقدمه و کتاب الیومی شورای دولتک برنجی سنه انعقادنده
وجوده کتیرلدی و مجلس عمومینک ایکنجی دوره افتتاحیه سی مبدئی اولان
٢٤ محرم ١٢٨٦ پنجه سنه کونی صدراعظم عالی پاشانک قرائت ایتدیکی نقطده
مذکوردر . سلطان عزیز بونطقه ویردیکی جوابده مجله احکام عدلیه دن
بحث ایدرکن هیچ بر قانون و مسئله حقنده کوسترمدیکی بر شدت عزیمی کوسترمش
و مجله نک دوام و اتمامی اکیداً و مخصوصاً و صورت قطعیه ده تعبیرلریله تنبیه و اخطار
ایلدشدر . بوتنبیه و اخطار دخی اوزمان قود ناپولیون ویا احکام معاملات فقه
مسئله لرینک یک بیوک مناقشه لر استلزام ایتدیکنک دلیدر .

عبدالرحمن عادل بک ، اودورک بعض رجالی حقنده دهها بعض
معلومات ویردکن صوکر . (یانقو ویطینوس) افدینک برسوزنی نقل
ایدیورلر . یانقو ویطینوس افندی دیورمش که :

« مجله نک تدوینی دولت عثمانیه یی یوز سنه ک برترقیدن آلیقویمشدر .
عبدالرحمن عادل بک افندی ده بوکون بو فکرده اولدق لرینی علاوه
ایدیورلر . بزم عبدالرحمن عادل کی مدقق و متبع بر ذاتک بو فکرده
اولدیغنی ، طوغریسی ، بوکونه قدر بیلیموردق . ای که شیمدی به قدر
قلبنده طاشیدق لری بر عقده یی اظهاره زمین و زمانی مساعد کوردیلر .
بو خصوصده کی فکرلرینی دیگر بر مقاله ده دهاز یاده ایضاح ایدمه جک لرینی
سویلیورلر . بونک ایچون هیچ بر مانع ، هیچ بر قیغو یوقدر . بویله
مدقق و متبع بر ذاتک فکرلرندن استفاده ایتک ایسترز . باقلم ، احکام
فقهیه اسلامیه یی احتوا ایدن مجله دولت عثمانیه یی نه صورتله یوز سنه
ترقیدن آلیقویمشدر . امید ایدرز که مشار الیه بزی چوق انتظارده
براقازلر .

کسکین قضاسندن یکریمی بش منتخب ثانی طرفندن باش وکالت ایله شرعی و مدافعه ملیه وکالتلرینه کونده ریلان عراضه نك صورتیدر : « کثیف بر جهالتك طوغوردینی الیم محرومیتلردن بری اولق اوزره کویلرده جنازه لری تکفین و تجهیز و تدفین ایدمک انجی یوزده بش نسبتنده وجودینه تصادف اولنان ائمه ی تکثیر احتیاج عظیمیه حسن ایلدیکمزانديشه لری قسماً تعدیل و تسکین ایدن مدارس علمیه نك کافل ادامه سی اولان طلبه دن بر صنفك غیر منتظر بر شکل الیمه سلاح آلتنه دعوتیه حاصل اولان بوشلنی املا ضرورتی قارشیسینده ایکن عین عاقبت نامزد اولدقلرینه حاصل ایلدکاری درین قناعت اوزرینه پیدری ترک تحصیل ایتکه باشلایان آرقداشلرینك پك محق و منطقی اولان ومنع و دفعی غیر ممکن بر شکل آلان شو جبری حرکت رجعیله لری مواجهه الیمه سنده اودرجه فیاض و قدسی خدمتله ایفا ایدن مدارس علمیه مرکز بویه ناهوسم تعطیل فعالیتله سده محکومیتنی کورمکدن متولد تأثر و هیجانلری عزی احساسه چالیشیرکن بعدما وقوعه لرحق جنازه لرك حال تفسخدن وقایه مجبورت قطعیله سی قارشیسینده مشغول بر مرجع قانونی تحریری وادیسینده معروض قالدیغیز مشکلات عظیمیه یی بحران آتیه ده تألیف و مزج ایدمک هیئت عمومیه سندن حاصل اولان وضعیت مؤسسه یی نظرگاه دیانت پروریلرینه عرضه جسارت ایلر و جهالتك نچه ضلالتدن نجاتلر ایچون مقامات علیه کزی یکانه نقطه استناد اتخاذ ایلر فرمان . » ۱۷ ل تشرین ثانی ۳۳۹

* *

کسکین فیضیه مدرسه سنده مداوم طلبه علوم طرفندن شرعی و مدافعه ملیه وکالتلرینه چکیلن تلغرافنامه صورتیدر :

« ماضیده خلقتك اك فیاض بر منبع ارشاد و علومی بولنان و تبدل زمان ایله اهمیت قدسیه سنده قسماً حلال کلس ایکن اخیراً حکومت ملیه مرکز لایق اولدینی درجه ده مظهر تقدیر اولسندن فعالیت سابقه سنده عودت ایدن و مشکور همترلرله تنويع ایلکده اولان مدارس علمیه نك ادامه موجودیتی بزرکده مستمر آ دوام تدریساتنه وابسته اولوب حالبوکه امر اخیر موجبجه اون آلتی واون یدی تولدیلرک سلاح آلتنه دعوتیه اودرجه قدسی بروطفه ایفا ایدن شو مؤسسه نیه یی تزلزله اوغراتمق کی غیر منتظر بروضیت احداث ایدلش و بونك مجرد دردنجی سنه درس لرندن امتحان ویرمه مک قدیده تألیف ایدیلدیکی آکلاشلش ایسه ده مکاتب سائر مدوامینك نتیجه تحصیل قدر دوام تأجیل تعامل مرعیتسندن بزرک دخی استفاده ایتمه برحق طیبی و برنجی، ایکنجی سنه درس لرینک علی الدرجات تحصیلدن اول دردنجی سنه درس لرندن امتحان ویرمک فوق الطبیعه بر مسئله تشکیل ایدمک بارز بر حقیقت بولنش اولدیفندن دعوت واقعه نك نتیجه تحصیلرله تعلیق خصوصنده بذل عاطف و عنایت بیورلمسی حیات معارف و روانه لرندن مسترحم در ، »

هندستانده استقرار مجادلری

مولانا ابوالکلام احمدك نطقی

۲

یکن هفته کی نسخه مزده هندستان اکابر علما و اعظم مجاهدینندن مولانا (ابوالکلام) حضرتلرینک اخیراً بر رساله بشکنده انتشار ایدن نطقك برنجی قسمی نشر ایتشدک . بونطقك ترجمه سنده بولسخه مزده دوام ایدیورز : امت اسلامیه نك کچیردیکی ایکنجی دور، حکومت شخصی و مطلقیت

عهد عدالت و صفوت مقدسه سنده تشبیه ایتک ایسته یلردن پك چوق رجا ایدمک بزه (لایق) بر طرز تجدد دکل، تکاملی پك سنده و امر ایدن فرقان مبینك احکام مؤیده سنی بر پارچه اولسون تطبیق ایدن بر تجدد کوسترسونلر .

مادامکه عصر اول اسلامیه رجوع ایتک بختیارلغنده بولنیورز؛ اودورک وارسنه لرك فضیلت و دیانت صاحبان اساسات علمیه سندن یالکیز و هیچ اولماسه بریسی، یعنی دینه و عدالت حرمق اولسون هدف اجرا ات اتخاذ ایتلی ز .

پك کوزل و متین اساسلرله ملتك حق مصونیتنی نسبتاً تأمین ایدن مصونیت شخصییه قانونی ایلری سورره رک ایش کورمک ایسته مه یلر امین اولالمک، اوتیز قانونی روح اصلیسندن تجرید ایدمک اللرنده برستره اعذار یا بقی صورتیه لیش کورمک ایسته مه یی کیمه در آناتولینك روح صمیم بکارتی، بوجیع و متوالی تظاهراتدن ... روح اسلامه ایندیریلن و ایندیرلمکده بولنان ضربه ورخنه لرندن ابدیاً مشکی و قطعاً متفردر .

بز مسلمان دینداشلر مرکز تیار و صحنه لرنده، فحش محلا لرنده، بار کوشه لرنده تذلیل و تحقیرنی قطعاً قبول ایدمکده یز. بوحالات بزه اسلامیتك انقراض آشیکنده بولوندیغنه یالکیز بر اشارت مهلمک تشکیل ایدر .

عجبا بوحركات خیمه قارشیسینده استانبولك برضابطه سی، صاحبی، مسؤل و متدین بر مرجع صلاحیتداری یوقی ؟

بیلمه یورلرمی که .. خرسیتانلق اسلامیه انقلاب ایدمک ایچین مدید و مهیج صرعه لر کچیررکن ... حالا بز دینسزلک قارشینی درین و متوالی بر حرص بهی ایله یاقلاشمغه چالیشیورز .

هر حالده دینی پایدار و تقدیسکار بر حاله قویه بیلمک ایچین چوکمکده بولنان بنیان اسلامك متین و دیندار اللره مطلقاً تعمیر و تجدیدی طلب ایلر و السلام .

کرده : عبدالحلیم

* *

طواس منتخب نایب لرنك طابری

منع مسکرات قانوننك تعدیلی تشبیلرندن و ۳۱۶، ۳۱۷ نومرولی طلبه نك سسوقه مباشرت اولوندیغندن متأثر اولان طواس قضاسی منتخب نایبلری دکزلی مبعوثی مظهر مفید بکه، کاظم و یوسف بکلرله شرعی وکالتنه بر تلغراف چکمشلر و بونلرک اوکنه کچلمسنی طلب ایتشلردر .

* *